



UNIVERSITÄTS-
BIBLIOTHEK
PADERBORN

Universitätsbibliothek Paderborn

Agenda, Sev Ritvale Osnabrvdense

Franz Wilhelm <Osnabrück, Bischof>

Coloniæ Agrippinæ

De iis, quæ in Sacramentorum administratione generaliter servanda sunt.

urn:nbn:de:hbz:466:1-41233

DE IIS QUÆ IN
SACRAMENTORVM
ADMINISTRATIONE

generaliter seruanda sunt.



*V*ea, quæ ex antiquis Catholica Ecclesia institutis, & sacrorum Canonum Summorumque Pontificum decretis, de Sacramentorum ritibus ac caerimoniis hoc libro prescribuntur, qua par est diligentia ac religione custodiantur, & ubique fideliter seruentur; illud ante omnia scire & obseruare conuenit, quod sacrosancta Tridentina Synodus de iis ritibus decreuit, in hæc verba:

Si quis dixerit, receptos & approbatos Ecclesiæ Catholicæ ritus, in solemnibus Sacramentorum administratione adhiberi consuetos, aut contemni, aut sine peccato à ministris prohibito omitti, aut in novos alios per quemcumque Ecclesiarum Pastorem mutari posse; anathema sit.

Seff. 7.
Can. 13.

Cum igitur in Ecclesia Dei nihil sanctius aut utilius, nihilque excellentius aut magis diuinum habeatur, quam Sacramenta, ad humani generis salutem à Christo Domino instituta; Parochus, vel quicvis alius Sa-

A

cerdos,

cerdos, ad quem eorum administratio pertinet, meminisse in primis debet, se sancta tractare; atque omnifere temporis momento, ad tam sanctæ administrationis officium, paratum esse oportere.

Quamobrem illud perpetuo curabit, ut integre, caste, pieque vitam agat: nam, etsi Sacramenta ab impuris coinquinari non possunt, neque à pravis ministris eorum effectus impediri; impure tamen & indigne ea ministrantes, in æternæ mortis reatum incurrunr. Sacerdos ergo, si fuerit peccati mortalis sibi conscius (quod absit,) ad Sacramentorum administrationem non audeat accedere, nisi prius corde pœniteat: sed, si habeat copiam Confessarii, & temporis locique ratio ferat, convenit confiteri.

Quacunque diei ac noctis hora ad Sacramenta ministranda vocabitur, nullam officio suo præstando (præsertim si necessitas urgeat) moram interponat. Ac propterea populum sæpe, prout se offeret occasio, pramonabit, ut cum sacro ministerio opus fuerit, se quamprimum advocet, nulla temporis aut cujuscunque incommodi habita ratione.

Ipse vero, antequam ad hujusmodi administrationem accedat, paululum, si opportunitas dabitur, orationi, & sacræ rei quam acturus est meditationi, vacabit, atque ordinem ministrandi, & ceremonias, pro temporis spatio, prævidebit & perleget.

In omni Sacramentorum administratione superpel-

liceo

liceo sit indutus, & de super stola, ejus coloris quem Sacramenti ritus exposcit; nisi, in Sacramento Pœnitentiæ ministrando; occasio vel consuetudo vel locus interdum aliter suadeat.

Adhibebit quoque unum saltem, si habeat, vel plures Clericos, prout loci & Sacramenti ratio postulabit, decenti habitu & superpelliceo pariter indutos.

Curabit etiam, ut sacra supellex, vestes, ornamenta, linteamina, & vasa ministerii, integra nitidaque sint & munda.

In Sacramentorum administratione, eorum virtutem, usum, ac utilitatem, & ceremoniæ significationes, ut Concilium Tridentinum præcipit, ex sanctorum Patrum & Catechismi Romani doctrina, ubi commode fieri poterit, diligenter explicabit.

Dum Sacramentum aliquod ministrat, singula verba, quæ ad illius formam & ministerium pertinent, attente, distincte, & pie, atque clara voce, pronuntiabit. Similiter & alias orationes & preces devote ac religiose dicet: nec memoria, quæ plerumque labitur, facile confidet: sed omnia recitabit ex libro. Reliquas præterea ceremonias ac ritus ita decenter gravique actione peraget, ut adstantes ad celestium rerum cogitationem erigat, & attentos reddat.

Ad ministrandum procedens, rei, quam tractaturus est, intentus sit; nec de iis, quæ ad ipsam non pertinent, quidquam cum alio colloquatur: in ipsa admi-

nistracione actualem attentionem habere studeat, vel saltem virtualem, cum intentione faciendi quod in eo facit Ecclesia.

Illud porro diligenter caveat, ne in Sacramentorum administratione aliquid, quavis de causa vel occasione, directe vel indirecte, extorqueat, sed ita ministret, ut ab omni Simonia atque avaritia suspicione, nedum crimine, longissime absit. Si quid verò nomine eleemosynæ, devotionis studio, seu necessaria sustentationis titulo, peracto jam Sacramento, à fidelibus offerri consuevit, id licite, pro consuetudine locorum, petere & accipere poterit; modo cum debita modestia & citra scandalum id fiat, & quidquid accipitur, non pro re spirituali, sed vere pro labore temporali, seu ut modo dictum est, necessarij victus aut sustentationis titulo, recipiatur.

Fidelibus alienæ Parochiæ Sacramenta non ministrabit, nisi necessitatis causa, vel de licentia Parochi, seu Ordinarii.

Omnes autem, qui Sacramenta suscipiunt, loco & tempore opportuno monebit, ut, remoto inani colloquio & habitu actuque indecenti, pie ac devote Sacramentis intersint, & ea, qua par est reverentia, suscipiant.

Librum hunc Ritualem (ubi opus fuerit) semper, cum ministrabit, secum habebit, ritusque & caerimonias, in eo præscriptas, diligenter servabit.

Cæterum, illorum tantum Sacramentorum, quorum administratio ad Parochos pertinet, ritus hoc opere præscribuntur; cujusmodi sunt Baptismus, Pœnitentia, Eucharistia, Extrema unctio, & Matrimonium. Reliqua vero duo Sacramenta, Confirmationis & Ordinis, cum propria sint Episcoporum, ritus suos habent in Pontificali præscriptos. Et ea, qua de iis atque aliis Sacramentis scire, servare, & docere Parochi debent, cum ex aliis libris, tum præcipue ex Catechismo Romano, sumi possunt; (id quod etiam infra speciatim circa Confirmationis Sacramentum in gratiam Parochorum observabimus.) Siquidem hic de iis fere tantum agere, instituti operis ratio postulat, qua ad illorum quinque Sacramentorum ritus pertinent.

Pag. 68.

Postremo, quisquis Sacramenta administrare tenetur, habeat libros necessarios, ad officium suum pertinentes, eosque præsertim, in quibus variarum parochialium functionum notæ ad futuram rei memoriam describuntur, ut ad finem hujus Ritualis habetur.